

4/1990 FORU ARAUA, ekainaren 26koa, Bizkaiko Foru Administrazioaren Tasa, Prezio Publiko eta Bestelako Tributu Baliabideei buruzkoa (BAO Uztailaren 12koa)

Estatuko Aldizkari Ofizialaren 1989.eko Apirilaren 15eko alean argitaraturiko Tasa eta Prezio Publikoei buruzko apirilaren 13ko 1989/8. Legeak, funtsez, bere Zioen Adierazpenari darionez, Konstituzioak eraturiko lege-esparru berriarekin bat etor dadin tasen araupeketa egin nahi du, hots, diru-gaitasun, onura eta baliokidetasun erizpideei jarraituz, zenbait zerbitzu eta iharduera publikoen kostua, herritar guztiei aplikaturiko zerga orokorren bitartez finantzatu barik, zerbitzu eta iharduera horien zuzeneko onuradunei ezarri. Lege honek, gainera, heldu egiten dio prezio publikoaren lege-erregimenaren arautzeari eta tasengandik bereizteari ere. Bata zein bestea ditugu ondasun edo zerbitzu ematearen ordaina, baina elkarrengandik bereizitak ere badira, prezioan agertzen den harremana hitzarmen-bidezko eta borondatezkoa den artean, tasaren kasuan tributuak bere duen behartze-indarra agertzen bait da.

Hori dela eta, Ekonomia-Itunea Toki-Ogasunei buruzko Legeari eta Tasa eta Prezio Publikoei buruzko Legeari egokitzeko Legean idazkera berria ematen zaio Itunearen 34.artikuluari, hots, Autonomia-Elkarteak eskuratuak dituen zerbitzuak egiteagatik sortaraz daitezen tasen eta prezio publikoen ordainerazpena Foru Aldundiei ematen dien horri. Eta hori, Lurralde Historikoen Erakundeek beren zerga erregimena gorde, ezarri eta araupetzeko duten aginpide orokorrari lotua.

Beste zer bat gehitu behar zaio honi, hots, Bizkaiko Lurralde Historiko mailan, Toki Ogasunei buruzko ekainaren 30eko 1989/5. Foru Araua Udalen, Udalezgaindiko Erakundeen eta Bigarren Mailako Toki Erakundeen baliabideei bakarrik aplikagarri zaiela, ez, ordea, Foru Administrazioarenei.

Xehetasun hauek kontuan hartuta, Bizkaiko Foru Administrazioaren Tasa, Prezio Publiko eta bestelako Tributu Baliabideei buruzko Foru Arauaren Aurregitasmoak araupetu egiten ditu Herri-Legepekoak izan eta Bizkaiko Foru Aldundiari dagozkion zenbait sarreraren erregimen juridikoa. Honakoak ditugu sarrera horiek:

- Tasak.
- Prezio Publikoak.
- Kontribuzio Bereziak.
- Ekonomi Ihardueren gaineko Zergaren Gainkargua.

ATARIKO TITULUA EREMUA

1. artikulua. Aplikazio eremua.

1. Honako Foru Arau honen xedea Zuzenbide Publikoko hurrengo baliabideen erregimen juridikoa araupetzea da:
 - a) Tasak.
 - b) Prezio publikoak.
 - c) Kontribuzio Bereziak.

- d) Udal Zergen gainkarguak.
2. Foru Arau honetako manuak aurreko ataleko baliabideei aplikatuko zaizkie, beti ere Bizkaiko Foru Aldundiarenak eta Foru Organismo Autonomoenak direnean.

I. TITULUA TASA ETA PREZIO PUBLIKOAK

LEHEN KAPITULUA XEDAPEN OROKORRAK

2. artikulua. Aplikazio eremuaren mugaketa.

Foru Arau honetako manuak ez dira aplikatuko, beti ere honako hauek direnean:

- a) Zuzenbide pribatuko arauen arabera diharduten Entitate edo Organismo publikoek egiten dituzten ihardueren eta ematen dituzten zerbitzuen ziozko kontraprestazioa.
- b) Bilboko Merkataritza, Gintza eta Itsasketa Etxearen baliabideak, beren legeria bereziak araupetuak izaten jarraituko dutelarik.
- c) Erabiltzaileek obra erabiltzeagatik edo zerbitzuaren prestazioagatik obren eta zerbitzuen emakidadunei ordaindutako tarifak, sektore publikoko kontratuen arloko legeriarekin bat, tributu izaerarik gabeko ondare-prestazio publikoak direnak.

3. artikulua. Ordezko aplikazioa.

Titulu honetan xedatzen denak ordezko aplikazioa izango du. Bizkaiko Lurralde Historikoaren Toki Erakundeentzat, Toki Ogasunei buruzko ekainaren 30eko 1989/5. Foru Arauak dioenari dagokion hartan.

4. artikulua. Aurrekontu neurriak.

1. Bizkaiko Foru Aldundiari dagozkion tasa eta prezio publikoak Ogasun eta Finantzen Saileko Kutxan edo berak baimendutako kontuetan sartuko dira.
2. Bestelako Ente edo Organismoei dagozkien eskubideen bilketa, zaintza eta sarrerentzat aplikagarri zaizkien arauak izango dira aginduzko.
3. Honako Titulu honetako baliabideen etekina harako sarreraren Aurrekontuari oso-osorik aplikatuko zaio, murrizpen eta gutxipenik egin gabe, Foru Arau honetako 13 artikuluan xedatutakoa salbu.
4. Ogasun eta Finantzen Foru Diputatuak, Aldundiari nahiz eskudun Sailburuari, proposamena egin ahal izango die, tasa eta prezio publikoak ezartzeko, Aldundiaren Organoek, Organismo nahiz Enteez aplikatzen ez dituztenean, bai eta, egokiesten denean, eguneratzeko ere.

5. artikulua. Erantzunkizunak.

Agintari, funtzionari publiko, agente edo berdinetsiek, beren kasa eta erruaz, tasa edo prezio publikoren bat bidegabe eskatu edo ezarritako zenbatekoa baino handiagoan egiten dutenean, diziplina hoben astun-astuna burutuko dute, beren iharduketarengatik sor litezkeen bestelako erantzunkizunen kalterik gabe.

Bidegabe ere, honako Foru Arau hau eta arlo honi buruzko arautegiko gainerako xedapenak urratzen dituzten ebazpenak hartu edo egintzak burutzen dituztenean, gainera, Foru Aldundiari sortutako kalteen ziozko ordaina eman beharko diote.

6. artikulua. Funtsezko zerbitzu publikoak.

Xedapen berezietan araupetutako funtsezko zerbitzu publikoak egitearen ziozko tasa nahiz prezio publikoak xedapen haietan aurrikusitakoaren arabera ezarriko dira, beraien araupeketa eta ezarpenaren kalterik gabe, xedapen horiek honako Foru Arau honekin bat etorritik baimentzen dutenean.

BIGARREN KAPITULUA TASAK

1 ATALA ARAU OROKORRAK

7. artikulua. Kontzeptua.

Tasak tributuak dira eta beraien zerga-egitateak hauexek dira: herri jabariaren bakarreko erabilera edo aprobetxamendu berezia egitea eta zerbitzuak ematea edo jarduerak egitea zuzenbide publikoko erregimenean, hain zuzen ere zergadunei dagozkienak, haiek ukitzen dituztenak edo haiei onura ekartzen dietenak, baldin eta zerbitzu edo jarduera hauek ez badituzte zergadunek eskatzen edo ez badituzte euren borondatez jasotzen eta ez badituzte egiten sektore pribatukoak.

...

8. artikulua. Baliokidetasun printzipioa.

Tasak egitate ezargarri den zerbitzuaren edo ihardueraren kostua betetzera joko dute.

9. artikulua. Ahalbide ekonomikoaren printzipioa.

Tasak finkatueran, tributuaren ezaugarriek ahalbidetzen dutenean, ordaindu behar duten pertsonen ahalbide ekonomikoa hartuko da gogoan.

10. artikulua. Tasen arauen iturriak.

1. Tasen arauak honakook dira:
 - a) Ekonomia-Itunea.
 - b) Honako Foru Tributu Arau hau, Foru Tributu Arau Orokorra eta Aurrekontuei buruzko Foru Arau Orokorra, aurkakoa manatzen ez duten neurrian.
 - c) Kasuan kasuko, tasa bakoitzari buruzko Foru Arau berezia.
 - d) Foru Arau hauek garatzeko emandako gainerako arauzko xedapenak.
2. Aurreko 1. zenbakian xedatutakoa, Espainian ofizialki argitaratu eta tasei buruzko arloko klausulak dituzten Nazioarteko Itunben edo Hitzarmenetan ezarritakoaren kalterik gabe ulertzen da.

11. artikulua. Ezarpen eta araupeketa.

1. Tasen funtsezko osagaiak Foru Arau bidez ezarri eta zehaztu beharko dira.
2. Tasen funtsezko osagaiak honako Foru Arau honek Kapitulu honetako 2gn. Sailatalean zehaztuko dituenak dira. Kapitulu horretan xedatutakoari lotuz, Foru Aldundiak, Foru Dekretu baten bidez, tasa bakoitzaren aplikazioa erabaki eta araupeketa garatu ahal izango du.

12. artikulua. Aurrekontu aurrikuspena.

Tasen ordainerazpena Bizkaiko Lurralde Historikoaren. Aurrekontu Orokorretan aurrikusita egon behar da.

13. artikulua. Itzulketa.

Eskatuak diren tasak, subjektu pasiboari ez dagozkion kariengatik egitate ezargarria egiten ez denean, itzuli ahal izango dira.

14. artikulua. Bateragarritasunak.

Zerbitzugintzaren ziozko tasek ez dute zerbitzu horien ezarpen edo zabalkuntzaren ziozko kontribuzioen ordainerazpena baztertzen.

2. ATALA TASAREN HARREMAN JURIDIKO-TRIBUTARIOAK

15. artikulua. Egitate ezargarria.

Tasak Zuzenbide publikoko erregimeneko zerbitzugintza edo iharduerak burutzearen zioz ezarri ahal izango dira, beti ere eskumena, indarreko Ekonomia-Itunean ezarritakoaren eredura, Bizkaiko Foru Aldundiari dagokionean eta bereziki honako hauek direnean:

- a) Lizentzia, ikus-onespen, matrikula nahiz administrazio baimenen izapidetza nahiz luzapena.
- b) Aldeak eskaturik, ziurtagiri zein agirien luzapena.
- c) Liburuen legebideztaketa eta zigilaketa.
- d) Teknikari eta adituen iharduketak, jagotza, zuzendaritza, ikuskapen, ikerketa, azterlan, txosten, aholkularitza, egiaztapen, aintzatespen nahiz prospekzioan.
- e) Proiektuen azterketa, begiztapen, kontrastaketa, entseiu nahiz homologazioak.
- f) Balioztapen eta tasazioak.
- g) Erregistro Ofizial eta Publikoetako inskripzio eta idaztoharra.
- h) Ikas zerbitzuak eta osagarriak.
- i) Portu eta aireportuetako zerbitzuak.
- j) Osasun zerbitzuak.
- k) Orotariko zerbitzu nahiz iharduerak, beti ere pertsona jakin batzuri egoki, lotu edo onurak ekarri edo beraiek, zuzenean nahiz zeharka, eraginak direnean.

16. artikulua. Lurralde aplikazioa.

Zerbitzu nahiz iharduera publikoen ziozko tasak beraiek eman edo egiteagatik hutsagatik eskatuko dira, honi dagokionez, zerbitzua egin edo iharduera burutzen den tokia Bizkaiko Herrialde Historikotik kanpo dagoen kontutan hartu gabe.

17. artikulua. Sortzapena.

1. Tasak, beren egitate ezargarriaren izaeraren arabera, honelaxe sortu ahal izango dira:

- a) Zerbitzua egiten hasi edo iharduera burutzen denean, aurretiazko gordailua eska daitekeelako kalterik gabe.
 - b) Iharduketa edo espedienteari hasiera ematen dion eskabidea aurkezten denean, hura beharrezko ordainketa egin gabe burutu edo izapidetuko ez delarik.
2. Tasak aldika sortzen direnean, erregistro, errolda edo matrikula bakoitzeko altari dagokion likidazioa jakinerazi ondoren, jarraiko likidazioak Bizkaiko Egunkari Ofizialean iragarkiak sartuz taldeka jakinerazi ahal izango dira.

18. artikulua. Subjektu pasiboa.

1. Tasen subjektu pasibo, pertsona fisiko nahiz juridikoak izango dira, beti ere egitate ezargarri diren zerbitzu edo iharduera publikoek, eurei nahiz euren ondasunetan, lotu edo onurak ematen dizkietenean.
2. Hala denean, subjektu pasibotzat, jaraunspen banatu gabe, ondasunen erkidegoak eta, nortasun juridikorik gabe, ezargai den ekonomi batasuna edo ondare banatua osatzen duten gainerako Entitateak hartuko dira.

19. artikulua. Erantzuleak.

1. Foru Tributu Arau Orokorrean, tributu zorraren erantzunkizun eta bermeei buruzko arloan, aurrikusitakoaren kalterik gabe, tasen erantzule solidario, tasa baten egitate ezargarri diren administrazio iharduketa nahiz zerbitzuak sortzen dituzten arriskuen entitate edo sozietate aseguratzaileak izango dira.
2. Etxebizitza, zutoiarte, lokal edo, orohar, higiezin erabiltzaile edo atzemaileei onurak ekartzen dizkieten zerbitzu edo ihardueren zioz ezarritako tasetan, higiezin horien jabeak izango dira sorospidezko erantzule.

20. artikulua. Salbuespen eta hobariak.

Foru Arau honetako 9. artikuluan ezarritakoaren kalterik gabe, tasei buruzko arloan, ez da tributu onurarik onartuko, Bizkaiko Herrialde Historikoa, Euskal Herriko Autonomi Elkarte, Estatua eta Lurralde nahiz Erakundezko gainerako ente publikoen aldekoak zein Nazioarteko Itunben edo Hitzarmenetan ezarritakoa salbu.

21. artikulua. Tasaren zenbatekokariak.

1. Zerbitzu bat egin edo iharduera bat burutzearen ziozko tasen zenbateko zenbatetsia ez da, guztira, harako zerbitzu edo ihardueraren benetako kostua edo aurrikusgarria edo, honen ezean, jasotako prestazioaren balioa baino handiagoa izango.
2. Tasaren zenbatekoa edo tarifa zehazteko, zerbitzu edo ihardueraren kostu osoaren zati diren zuzeneko nahiz zeharkako gastuak hartuko dira gogoan, bai eta finantzazkoak, ibilgetuaren amortizaziokoak eta kontribuzio bereziengatik ordaindu gabeko orokor aplikagarriak ere, hau guztiau ordaintzeko duten Aurrekontua edo Organismo jasalea kontutan hartu gabe.
3. Tributu kuota horretarako finkatuko den zenbateko finkoa izan daiteke edo oinarri ezargarri diren zenbatekokarien gaineko karga tasaren arabera zehaz daiteke edo prozedura bien arabera batera ezar daiteke, horri buruzko Foru Dekretuan xedatuko denaren arabera.

22. artikulua. Ekonomia-finantz memoria.

Tasa baten aplikazioa erabakitzen duten Foru Dekretuen proiektuek eta beraren zenbatekoaren araupeketak garatzen dutenek, aurrekin eta gertuketarako alde aurretiko azterlanen barruan, harako zerbitzu edo ihardueraren kostu edo balio eta proposatu tasaren zenbatekoaren bidezkoetari buruzko ekonomia-finantz memoria sartu beharko dute.

Beharkizun hau betetzen ez bada, adierazitako xedapenak eskubide osoz baliorik gabe geldituko dira.

Aurrekoa gorabehera, ez da lehenengo lerroaldean aipatzen den memoria ekonomiko-finantzariarik aurkeztu behar errebalorizazio edo eguneratze orokorrak egin nahi direnean, ez eta tasen zenbatekoa gutxitu nahi denean ere, salbu eta haiei dagokien kostua nabarmen gutxituko denean.

3. ATALA DUDEAKETA ETA LIKIDAZIOA.

23. artikulua. Autolikidazio eta sarrera.

1. Tasen subjektu pasiboek tributu autolikidazioarako eragiketak egin beharko dituzte, beti ere honako Foru Arau honetako 11. artikulua aipatu duen Foru Dekretuak honelaxe ezartzen duenean.
2. Tasen subjektu pasiboek beraien zenbatekoa araubidez ezarriko den bezala egin beharko dute.

24. artikulua. Ordainketa.

Tasak eskudiruz edo efektu tinbredunak erabiliz ordaindu ahal izango dira, araubidez xedatuko den arabera.

25. artikulua. Kudeaketa.

1. Tasak Ogasun eta Finantzen Sailak kudeatuko ditu, tasa bakoitzari buruzko arautegian xedatutakoaren kalterik gabe.
2. Tasa bakoitzaren izaera eta ezaugarrien arabera, araubidez tributu kudeaketako prozeduran Foru Aldundiko beste Sailek eta Bizkaiko Foru Aldundia ez bezalako Ente edo Organismoek parte har dezaten ezarri ahal izango da.
3. Tasen kudeaketan, Foru Tributu Arau Orokorreko printzipio eta prozedurak eta, bereziki, tributu likidazio, tributuen bilketa eta ikuskapen eta administrazio bideko egintzeko berrikupean arautegiak aplikatuko dira beti.

HIRUGARREN KAPITULUA. PREZIO PUBLIKOAK.

26. artikulua. Kontzeptua.

1. Prezio publiko iritziko zaie Bizkaiko Lurralde Historikoaren eskumeneko zerbitzuak edo administrazio jarduerak egitearen zioz ordaintzen diren diru kontraprestazioei, honako inguruabarrak gertatzen direnean:
 - Zerbitzuak edo jarduerak administratuek nahitez eskatu edo jaso beharrekoak ez direnean.
 - Zerbitzuak edo jarduerak sektore pribatuak eman edo egiten dituztenean.
2. Aurreko atalean xedatutakoari dagokionez, administratuek egindako eskabideari ez zaio borondatezko iritziko.
 - a) Lege nahiz arauzko xedapenek ezarrita etortzen zaienean.
 - b) Edozein jarduera burutu edo eskubide edo ondore juridiko zehatzak lortzeko, aurretiazko baldintza denean.

3. ...

27. artikulua. Zenbatekoa.

1. Prezio publikoak ihardueren buruketa edo zerbitzugintzaren zioz sortzen diren ekonomi kostuak, gutxienez, betetzeko hainbestean edo beraietatiko erabilpena bestekoan ezarriko dira.

Jabari publikoaren bakarreko erabilpenaren edo aprobetxamendu bereziaren ziozko prezio publikoen zenbatekoa, euren merkatu balioa edo haien ziozko erabilpenarena gogoan hartuta, finkatuko da. Meatze eta hidrokarburoen haizugo eta emakidak direnean, eskubidearen xedeko azalera hartuko da gogoan.

2. Gizarte, ongintza, kultura nahiz interes publikoari begira, prezioaren zati subentzionatua betetzeko nahikoak aurrekontu aurrikuspenak hartu ondoren, aurreko atalean aurrikusitako parametroak baino txikiagoak diren prezio publikoak hartu ahal izango dira.
3. Bakarreko erabilpenak edo aprobetxamendu bereziak, berez, hurrengo artikulua aipatuko duen Ekonomia-finantz Memorian aurrikasi gabeko jabari publikoaren suntsiketa edo narriadura dakarrenean, onuradunak, dagokion prezio publikoa ordaintzeaz gainera, berreraikuntza edo konponketa gastuen kostu osoa itzuli beharko du. Gaitzak ezin konpon badaitez, kalteordaina suntsitutako ondasunen balioa edo gaitz hartutako narriaduraren zenbatekoa bestekoa izango da.

28. artikulua. Finkapena.

1. Prezio publikoak Foru Dekretu baten bidez finkatu edo aldaraziko dira, Foru Arauren batek aurkakoa xedatzen duenean ezik.
2. Prezio publikoak finkatu edo aldatzeko edozein proposamenari Ekonomia-Finantz Memoria erantsi beharko zaio, proposatuko diren beraien zenbatekoa, berauei dagozkien kostuen finantz betepen maila eta, behar denean, iharduerak burutzetiko erabilpenak eta zerbitzugintza nahiz gogoan hartu diren merkatu balioak frogatuko dituen.

29. artikulua. Prezio publikoen administrazio eta kobrantza.

1. Prezio publikoak Organismo, Zerbitzu, Organo edo Ente hartzaileek administratu eta kobratuko dituzte.
2. Prezio publikoak, ondasunak eman, jabari publikoaren bakarreko erabilpena edo aprobetxamendu berezia eman edo ordainerazpena frogatzen duen zerbitzugintzari hasiera ematen zaionetik, ordaineraziko dira.
3. Prezio publikoak eskudiruz edo efektu tinbredunak erabiliz ordainduko dira.
4. Prezio publikoen zenbateko osoaren edo partzialaren aurrerapena edo aurretiazko gordailua eskatu ahal izango da.
5. Prezioa ordaindu behar duenari ez dagozkion kariengatik, iharduera egin ez, jabari publikoaren bakarreko erabilpena edo aprobetxamendu berezia gertatu ez, edo zerbitzua egiten ez denean, haien zenbatekoa itzuliko da edo, ikuskizunak badira, sarrerak itzuliko dira, ahal den neurrian.

Prezio publikoen ziozko zorrak premiamenduaren administrazio-prozeduraren bitartez ordainarazi ahal izango dira, bidezko ardurak hartu izan arren kobrua lortu izan gabe, epemugara iritsi eta sei hilabete igaro direnean.

Epealdi hori amaitutakoan, artikulua honen 1. atalean aipatzen diren subjektuek prezioen kobrua premiamendu prozeduraren bitartez egitea eskatu ahal izango diote Ogasun eta

Finantzen Foru Sailari, eta, horretarako, dagokion zordunen zerrenda eta aurreko idazatian ohartarazten diren gorabeheren frogagiriak erantsiko dituzte.

6. Foru Arau honetan, berariz, aurrikusi ez denetan, prezio publikoen administrazio eta kobrantza, aurrekontu-alorreko indarreango xedapenak onartuzko otsailaren 24ko 1987/1. Arauemate Foru Dekretuak eta haiei aplikagarri zaizkien gainerako arauak diotenaren arabera egingo da.

II. TITULUA BESTELAKO TRIBUTU BALIABIDEAK.

LEHEN KAPITULUA KONTRIBUZIO BEREZIAK.

1 ATALA ARAU OROKORRAK.

30. artikulua. Kontzeptua.

Kontribuzio bereziak tributuak dira eta beren egitate ezargarria, Bizkaiko Foru Aldundiak herrilanak egitearen edo zerbitzu publikoak ezarri nahiz zabaltzearen zioz, subjektu pasiboak duen onuraren edo bere ondasunetan duen balioaren igoseraren lorpena da.

31. artikulua. Zeintzu hartzen diren obra eta zerbitzu publikotzat.

1. Obra eta zerbitzu publikotzat, honakook hartuko dira:
 - a) Foru Aldundiak, bere eskumenen eremuaren barruan iratxikita dituen xedeak betetzeko, egiten dituenak, bere ondare ondasunen jabe gisa egiten dituenak ezik.
 - b) Foru Aldundiak, beste Entitate Publikoek iratxiki edo eskuordetzeagatik, egiten dituenak eta legez bereganatuta duen titulartasunaren menpekoak.
 - c) Beste Entitate Publikoek edo beraien emakidadunek Foru. Aldundiaren ekonomi ekarpenez egiten dituztenak.
2. Aurreko ataleko a) letraren barrukoak beti hartuko dira obra edo zerbitzu publikotzat, Foru Aldundiaren sozietate kapitaleko Foru Organismo Autonomoek nahiz Foru Enpresa Publikoek, emakidadunek harako Entitatearen ekarpenez edo Foru Arau honetako 40. artikulua aipatuko duen zergadunen administrazio elkarteek egin arren.

32. artikulua. Ezarpen eta araupeketa.

1. Kontribuzio berezien funtsezko osagaiak Foru Arau baten bidez ezarri eta zehaztuko dira.
2. Kontribuzio berezien funtsezko osagai, honako Foru Arau honek Kapitulu honetako 2gn. Sailatalean zehaztuko dituenak dira.
3. Kontribuzio bereziak ordainerazteko, Foru Aldundiaren. Gobernu Kontseiluak aurretiaz kasu bakoitza ezarri eta araupetzeko erabakia hartu beharko du.
4. Kontribuzio berezien bitartez ordaindu behar den obra bat egiteari edo zerbitzu bat zabaltzeari buruzko erabakia ezin beterazi izango da, harik eta kontribuzioen araupeketa zehatza onetsi arte.
5. Ezarri eta araupetzeko erabakiak obra eta zerbitzuen aurretiazko kostuaren, onuradunen artean banatu beharreko kopuruaren eta banaketa erizpideen zehaztapena izango du.

6. Ezarri eta araupetzeko erabakia hartu eta ordaindu beharreko kuotak zehaztuta, berauek subjektu pasibo bakoitzari banan-banan jakinerazi beharko zaizkio. Interesatuek ekonomia administrazio bidez aurretiatzko birjarpenezko errekurtsioa azaldu ahal izango dute, kontribuzio bereziaren egokitasunari buruz, onura berezia jasoten duten pertsonak ordaindu beharreko kostuaren portzentaiari buruz nahiz esleitutako kuotei buruz.

33. artikulua. Aurrekontu neurriak.

Kontribuzio berezien bidez biltzen diren kopuruak ordainerazpenaren zio den obraren edo zerbitzuaren gastuak ordaintzeko bakarrik erabili ahal izango dira.

2 ATALA

KONTRIBUZIO BEREZIAREN HARREMAN JURIDIKO-TRIBUTARIOAK.

34. artikulua. Egitate ezargarria.

Foru Aldundiak kontribuzio bereziak ezarri ahal izango ditu, subjektu pasiboak, honako Foru Arau honetako 31. artikuluko aipatutako obrak egitearen edo zerbitzuak ezarri nahiz zabaltzearen zioz, onura bat edo bere ondasunetan balio igoera lortzen duenean.

35. artikulua. Subjektu pasiboa.

1. Kontribuzio berezien subjektu pasibo, pertsona fisiko, juridiko eta Foru Tributu Arau Orokorreko 33. artikuluko entitateak dira, beti ere ordaindu beharra sortzen duten obrak egitearen edo zerbitzu publikoak ezarri nahiz zabaltzearen zioz onura berezia jasoten dutenean.
2. Onura bereziaren jasotzailetzat, honakook hartuko dira:
 - a) Ondasun higieziari dagozkien obrak burutzearen edo zerbitzuak ezarri nahiz zabaltzearen ziozko kontribuzio berezietan, beraien jabeak.
 - b) Enpresa ustiapenei dagozkien obrak burutzearen edo zerbitzuak ezarri nahiz zabaltzearen ziozko kontribuzio berezietan, beraien pertsona edo entitate titularrak.
 - c) Su-itzaltze zerbitzuak ezarri nahiz zabaltzearen ziozko kontribuzio berezietan, ukitu ondasunen jabeak ezezik, adarreko iharduera Bizkaiko Herrialde Historikoan burutzen duten aseguru bazkunak.
 - d) Lurrazpiko galeriak eraikitzearen ziozko kontribuzio berezietan, erabili beharreko enpresa hornitzaileak.

36. artikulua. Oinarri ezargarria.

1. Kontribuzio berezien oinarri ezargarria, gehienez, Foru. Aldundiak obrak burutzeagatik edo zerbitzuak ezarri nahiz zabaltzeagatik jasaten duen kostuaren %90ak osotua izango da.
2. Aipatu kostuaren osagaiak honakook dira:
 - a) Peritu lan, proiektuen idazkuntza eta obra, plan eta egitarau teknikoaren zuzendaritzaren benetako kostua.
 - b) Burutu beharreko obraren edo zerbitzuak ezarri nahiz zabaltzeko lanen zenbatekoa.
 - c) Obra nahiz zerbitzuek betiko bete behar dituzten lurren balioa, erabilera publikoko ondasunak, salbu eta Foru Aldundiari dohain eta nahitaez lagatako lurrak edo indarreko arautegian ezarritakoaren arabera lagatako higiezinak direnean.

- d) Eraikuntzak eraitsi eta landaketa, obra nahiz instalazioen suntsiketaren ziozko kalteordainak, bai eta eraitsi edo atzeman behar diren ondasunen errentariei eman beharrekoak ere.
 - e) Obra nahiz zerbitzuetan inbertitutako kapitalaren korritua, beti ere Foru Aldundiak kontribuzio bereziek betetzen ez duten zatia edo berauek, zatikakoak direnean, betetzen dutena finantzatzeko kreditua hartu behar duenean.
3. Obren aurrekontuko kostu osoa aurrikuspen hutsa izango da. Benetako kostua aurrikusitakoa baino handiagoa edo txikiagoa bada, hura hartuko da kuotak kalkulatzeko.
 4. Aurreko 31.1.c) artikulua aipatutako obra nahiz zerbitzuak bai eta emakidadunek artikulua bereko 2. atalak aipatutako Foru Aldundiaren ekarpenez eginak direnak direnean, kontribuzio berezien oinarri ezargarrria ekarpen hauen zenbatekoaren arabera zehaztuko da, beste Administrazio Publikoek obra nahiz zerbitzu berberaren zioz ezar ditzaketenen kalterik gabe. Dena dela, artikulua honetako 1. atalak aipatutako 100eko 90eko muga gordeko da.
 5. Oinarri ezargarrria zehazteko, Foru Aldundiak jasandako kostutzat, kostu osoaren kopurutik hark lortzen dituen dirulaguntza edo sorospenen zenbatekoa kentzetik ateratzen den zenbatekoa ulertuko da.
 6. Dirulaguntza edo sorospen horiek kontribuzio bereziaren subjektu pasiboak eskuesten dituzenean, haien zenbatekoa, aurrena, pertsona edo Entitate horren kuota konpentsatzeko erabiliko da. Dirulaguntza edo sorospen horren balioa kuota hori baino handiagoa denean, soberakinak, lainera, gainerako subjektu pasiboen kuotak txikituko ditu.

37. artikulua. Kuota.

1. Kontribuzio berezien oinarri ezargarrria subjektu pasiboen artean banatuko da, obra eta zerbitzuen mota eta izaera gogoan hartu eta hurrengo erregelok gordez:
 - a) Orohar, batera edo banan-banan, banaketa modulu legez, higiezinaren fatxadaren metro linealak, haien azalera, beraien bolumen eraikigarria eta Ondasun Higiezinaren gaineko Zergarako katastro balioa aplikatuko dira.
 - b) Su-itzaltze zerbitzua ezarri nahiz hobetu behar badira, Bizkaiko Herrialde Historikoko ondasunen ziozko arriskua betetzen duten Entitate edo Sozietateen artean banatu ahal izango dira, aurre~aurreko urtean bildutako primen zenbatekoaren arabera. Subjektu pasibo bakoitzari eska dakiokkeen kuota berak bildutako primen zenbatekoaren 100eko 5a baino handiagoa bada, soberakina hurrengo ekitaldietara eramango da, guztiz amortizatu arte.
 - c) Honako Foru Arau honetako 35. artikuluko 2.d) atalak aipatutako obrak direnean, kontribuzio bereziaren zenbateko osoa erabili behar duten bazkunen edo enpresen artean banatuko da, bakoitzari gordetako gunearen arabera edo, berehala erabili ez arren, berberen saillatal osoaren heinean.
2. Foru Arauek edo Nazioarteko Itunbenek onura fiskalak eman balitzate, onuradunei legozkiekeen kuotak ez lirateke gainerako zergadunen artean banatuko.
3. Ordaindu beharreko kuota zehaztuta, Foru Aldundiak, subjektu pasiboak eskatuta, haren zatikapena edo gerorapena eman ahal izango du, bost urteko gehienezko eperako.

38. artikulua. Sortzapena.

1. Kontribuzio bereziak obrak burutzen edo zerbitzua ematen hasten den unean sortzen dira. Obrak zatika egin ahal badira, sortzapena subjektu pasibo bakoitzarentzat obraren tarte edo saillatal bakoitzari dagozkionak burutuak direnetik gertatuko da.

2. Aurreko atalean xedatutakoaren kalterik gabe, ezarpen eta araupeketa erabakia onetsi ondoren, Foru Aldundiak, aurreraturik, kontribuzio berezien ordainketa eskatu ahal izango du, hurrengo urterako aurrikusitako kostuaren arabera. Ezin eskatu izango da beste urteko baten aurrerakina, aurrerakina eskatuta duten obrak burutuak ez diren artean.
3. Kontribuzio berezien sortzapen unea gogoan hartuko da ordaindu behar duen pertsona zehazteko, Foru Arau honetako 35. artikuluan xedatutakoaren arabera, ezarpen eta araupeketa erabakian subjektu pasibo gisa onespren datakoa dena izan eta berak, honako artikulua honetako atalean xedatutakoarekin bat etorriz, kuotak aurreraturik ordaindu arren. Ezarpen eta araupeketa erabakian subjektu pasibo gisa agertzen den pertsonak, haren jakinerazpena jasota, erabaki horren onespeneren eta sortzapenaren hasieraren arteko aldiaren ezarpena sortu zuten ondasunen edo ustiapenen gaineko eskubideak eskualda ditzanean, egindako eskualdaketa berri eman beharko dio Foru Administrazioari, haren datatik zenbatu beharreko hilabeteko epearen barruan, eta egin ez baleza, Administrazio horrek kobrantza egintza espediente horretan subjektu pasibo gisa agertu zenaren aurka zuzen lezake.
4. Obrak guztiz edo zati batez amaituta edo zerbitzugintza hasita, subjektu pasiboak, oinarria eta behin betiko banakako kuotak adieraziko dira, bidezko likidazioak igorri eta eginak diren ordainketa aurreratuen pentsutako emanaldi legez konpentsatuz. Entitate ezarlearen eskudun Organoek egingo dute adierazpen hori behin betikoz, harako obraren edo zerbitzuaren ezarpen eta tributu araupeketari buruzko erabakiaren arauari lotuz.
5. Ordainketa aurreratuak tributuaren sortzapen datan subjektu pasibo ez diren pertsonak eginak badira edo dagokien behin betiko banakako kuota baino handiagoa badira, Foru Administrazioak ofizioz egingo du itzulketa.

3 ATALA LANKIDETZA.

39. artikulua. Erakundeen arteko lankidetzak.

1. Obra eta zerbitzuak Foru Aldundiak, beste Entitate baten ekonomi lankidetzarekin batera, burutuak edo eginak direnean, beti ere kontribuzio bereziak honako Foru Arau honetan xedatutakoaren arabera ezartzen direnean, beraien kudeaketa eta bilketa obren buruketaz edo zerbitzuen ezarpen edo zabalkuntzaz arduratuko den Entitateak egingo ditu, Entitate bakoitzak kontribuzio berezi horiek ezarri eta araupetzeko duen eskumena gordetzearen kalterik gabe.
2. Tributu horien ezarpena Entitate horietariko bakoitzak onetsi ez badeza, ihardununea ondorerik gabe geldituko da, beraietarik bakoitzak banan-banan bidezko erabakiak hartuko dituelarik.

40. artikulua. Zergadunen administrazio elkarteak.

1. Obrek ukituriko jabe nahiz titularrak Zergadunen administrazio elkarte izan daitezke eta obren egile edo zerbitzuen ezartzaile edo zabaltzaile Foru Aldundia izan dadin eragin dezakete, obraren edo zerbitzuaren izaeraren arabera dagokien zatia ezezik, Aldundiari dagokion zatia, finantz egoerak galera izan direnean, ordaintzeko konpromezua hartuz.
2. Halaber, Foru Aldundiak eragindako obrak egin edo zerbitzuak ezarri edo zabaltzeak ukituriko jabe nahiz titularrak Zergadunen administrazio elkarte izan daitezke, kontribuzio bereziak ezarri eta araupetzeko erabakiaren argitarapen dataz gero zenbatu beharreko hilabeteko epearen barruan.
3. Aurreko atalek aipatutako Zergadunen administrazio elkarteak eratzeko, erabakia ukituaren gehiengo osoz hartu beharko da, beti ere berauek, gutxienez, ordaindu beharreko kuoten bi herenak direnean.

BIGARREN KAPITULUA UDAL ZERGEN GAINKARGUAK.

41. artikulua. Ekonomi Ihardueren gaineko Zergaren gainkarguak.

1. Foru Aldundiak Ekonomi Ihardueren gaineko Zergaren gainkargua ezarri ahal izango du.
2. Gainkargu hori subjektu pasiboei eskatuko zaie, zergaren arautegian behatutako kasu berdinetan, eta gutxienezko kuoten gaineko portzentaia bakarra izango da, haren tasa 100eko 42a baino handiagoa ezin izan daitekeelarik.
3. Gainkargua, jasaten duen zergarekin batera, beronen kudeaketa iratxikita duen Entitateak kudeatuko du.
4. Gainkarguaren bilketaren zenbatekoa, egokiesten denean, Foru Aldundiari emango zaio, araubidez zehaztuko den bezala, Ekonomi Ihardueren gaineko Zergaren kudeakera gogoan hartuta.

XEDAPEN GEHIGARRIAK.

Lehena. Foru Tributu Arau Orokorren aldarazpena.

Foru Arau hau indarrean jarriz gero, martxoaren 26ko 1986/3. Foru Tributu Arau Orokorreko 26.1.a) artikulua honelaxe geratuko da idatzirik:

"26.1.

a) Tasak tributatuak dira eta beren egitate ezargarria Zuzenbide publikoko erregimeneko zerbitzugintza edo iharduerak burutzea da, beti ere subjektu pasiboei egoki, lotu edo onurak ekarri eta hurrengo inguruabarrotarik baten bat dagoenean:

1. Administratuak eskatu edo nahitaez jasotekoak direnean.
2. Sektore pribatuak ezin eman edo egin ditzakeenean, iharduketan partikularren eskuhartzea edo agintekaritzaren beste agerpenen bat ekartzeagatik edo, zerbitzu horiei dagokienez, indarreko arautegiaren arabera Sektore Publikoaren aldeko erreserba ezarrita egoteagatik.

Bigarrena. Balio Erantsiaren gaineko Zergari buruzko apirilaren 16ko 1986/8. Foru Arauaren aldarazpena.

1989ko apirilaren 17az gero, Balio Erantsiaren gaineko Zergari buruzko apirilaren 16ko 1986/8. Foru Araueko 5. artikuluko 6. atalaren idazkera honelaxe geratuko da aldarazirik:

1. Bigarren lerroaldeari m) letra erantsiko zaio, honako edukin honekin:

"m) Hiltegikoak."

2. Azken lerroaldea erantsiko da, honelaxe idatziko dena:

"Administrazioaren emakida eta baimenen eraketa ere ez da zergaren menpean egongo, portu eta aireportuetan higiezinak edo instalazioak erabiltzeko eskubidea laga nahi dutenena ezik."

Hirugarrena. Komisariaren erantzunkizuna.

"Alkar poderoso" edo testamentu ahalaren bidez geroratzen diren jarauns-penetan, komisariak, solidario gisa, honako Foru Arau honetako 1. artikulua aipatu eta jaraunspenak osatzen dituzten ondasun eta eskubideei dagozkien baliabideengatik erantzungo du. Araubidez, komisariak aipatu baliabideez dituen erazko betebeharrak finkatuko dira.

XEDAPEN IRAGANKORRAK

Lehenengoa. Indarreko tasa eta prezio publikoak Foru Arau hau indarrean jarriera aplikagarri diren arauen arabera eskatuko dira, harik eta berbereko 11 eta 28. artikuluetan dauden aurrikuspenak gauzatu arte.

Bigarrena. Foru Aldundiak, Foru Arau honen 41. artikulua arabera, dagokion ginkarguaren 100eko 5a erabili ahal izango du Bizkaiko. Lurralde Historikoaren eremuan enpresen interesak eta ekonomiko orokorrak babestera jo ditzaten Korporazio Publikoen iharduerak laguntzeko.

XEDAPEN IDARGABETZAILEAK

1. Foru Arau hau indarrean sartzen denetik aurrera, indargabetuta geratuko dira arauan ezarritakoaren aurka doazen xedapenak, maila berdina edo baxuagoa dutenak.
2. Aurreko atalean aurreikusiak ez dio kalterik eragiten Foru Arau honen xedapen iragankorrek xedatuari.

AZKEN XEDAPENA

1. Foru Aldundiari eta Ogasun eta Finantza Saileko foru diputatuari baimena ematen zaie Foru Arau hau aplikatu eta garatzeko beharrezko xedapenak emateko.
2. Foru Arau hori indarrean sartuko da "Bizkaiko Aldizkari Ofizialean" argitaratzen denetik aurrera.